

Quinta Urbs

HOANGCHEV.

Situs.

Iacet urbs Hoangcheu in Boreali ripa Kiang fluminis, cuius etiam moenia lambit, atque adeo frequens populo, ac copiosa urbs est: merces enim ac naves ibi continuo transeunt. nobilitat etiam hanc urbem Rex è Taiminga familia; genusque illud serpentis, quod ibi reperitur, quo contra lepram utuntur, ut supra diximus, quod idem inveterat quoque scabiem tollit; album absinthium, ita ob præstantiam à Sinicis medicis dictum, etiam hæc regio profert, quo maxime Sinæ ad unctiones utuntur. Yvus Imperator eodem modo, quo superiorem, hanc regionem distribuit. Regum tempore Hoang regnum erat, deinde Çu reges occuparunt; Hana familia Silo dixit, hodiernum nomen jam inde à Tanga obtinet familia: habet hæc urbs territorium cultum, præterquam ad Boream ubi horridiores montes incipiunt, cæterum lacubus & fluminibus lœtum est, in quo præter munimenta novem includit civitates, 1 Hoangcheu, 2 Lotien, 3 Maching, 4 Hoangpi, 5 Hoanggan, 6 Kixui, 7 Ki o, 8 Hoangmui, 9 Hoangci.

Montes.

Cui Pao mons ad Boream urbis est, in quo lapilli reperiuntur, qui soli expositi rubescunt, alii vero flavescent & colorem aliquanto tempore servant, forte uti Bononienses lapilli etiam solis lumen aliquamdiu conservare, & obscuro in loco exhibere possent.

Fluminis.

Maching civitas montem Moling habet, qui arboribus ac sylvis frequens multa civibus præstat commoda. Suçu mons prope Hoangmui est, in cuius vertice quatuor nobilissimis medicis dicatum fanum est, & splendida turris novizonia. Ki amnis Ki civitatem præterfluit, illique nomen dat. prope Hoangpi lacus est qui Uú vocatur, hoc est militaris. fuit enim regum Naumachia, est alter lacus major Uheu prope Hoangmui. è regione autem Ki civitatis in Kiang fluvio Insula est Niaofo: est & Kinxa lacus ad ortum Ki civitatis, & Taipe lacus circa Hoangmui.

Loyu fons Kixui civitatem celebrem facit: nam pro potu Cha confiendo tertium præstantiæ apud Sinas obtinet locum.

Est & Insula Pequey, sive albæ testudinis, in Kiang fluvio è regione urbis, ubi miram militi accidisse historiam narrant: qui cum forte ab inimicis in flumen projectus esset,

à testudine in alteram ripam, quasi inter Delphinas Arion transvectus est, & scribunt *Testudines* hoc gratæ testudinis fuisse beneficium, quam *nec rara*. ille multo tempore enutrierat, liberamque sua sponte dimiserat. fabulæ forte licet hæc sint affinia, illud tamen minime fabulosum permagnas isthic reperiri testudines; sed & aliæ minores pulchræque sunt, quæ pro voluptate domi passim nutriuntur, quandoque magnitudinem aviculæ non superant, vocantur Loman testudines.

Sexta Urbs

KINGCHEV.

Etiam hæc urbs ad ripam Borealem *situs* Kiang fluminis jacet, & ad Boream *ac nobilitas* ac ortum à lacu Tung cingitur, inde que fortissima censetur urbs, & ab inimicorum conatibus incursionibusque tutissima, inclita etiam ædificiorum splendore & empirii nobilitate, demum ejusmodi, quæ ab antiquissimis temporibus Çu regni fuit regia, tum deinde Ivenus Leangæ familæ Rex in eadem sedem fixit: amoenum omnino, fertile atque amplum habet territorium, in quo nihil eorum, quæ ad vitam opus sunt, desideres. præst civitatibus tredecim, 1 Kingcheu, 2 Cunggan, 3 Xexe, 4 Kienli, 5 Sungki, 6 Chikiang, 7 Iling o, 8 Changyang, 9 Itu, 10 Juengan, 11 Quei o, 12 Hingxan. 13 Patung. In Yvi divisione superioris quoque locum sortita est: Hana familia eam Kingcheu vocavit, atque hoc deinde nomen tenuit. reperitur hic herba, quam mille annorum vocant, quin & immortalem esse scribunt; hæc aqua macerata, ac epota albos crines in nigros commutat, atque ad vitam producendam conductit: aureorum pomorum etiam hic reperitur copia, optimique lapides, quibus Sinæ atramentum suum tritum ita temperant, ut nostri pictores colores solent. fana heroibus dicata quinque numerat nobiliora.

Memoratu dignus est etiam mons Fang *Montes.* prope Changyang, qui ejusmodi naturæ esse scribitur, ut vere & autumno nullus omnino in eo ventus percipiatur, & æstate ventum assiduo è cavernis emittat, ac tempore hyberno venti eodem modo ab extra intra cavernas perfleat. Est & Kieucang mons, qui Kiang fluvium ingreditur, suisque collibus duplicatis velut aggeribus detinet, navigationemque difficultem ac longam efficit. Prope Sungki incipit, Quei ci-